

夏桂洲奏議



09862

桂洲夏文愍公奏議第十九卷

南宮集卷之十

請旨暫免親耕疏

祠祭清吏司案呈嘉靖十五年正月二十六日該本部
尙書夏言節奉勅諭朕元旦更衣因冒風寒今連遇雪
氣猶如冬朕體素弱目今畏寒不可不慎且在當攝之
時仍暫調養祈穀之禮且命太傅勛代攝令敬慎從事
文武官各宜用心辦理事務欽此查得近該太常寺題
稱嘉靖十五年二月初三日告祭社稷初四日祭帝社
稷奉旨是太社稷遣遂安伯陳鏞帝社稷遣武定侯郭
桂洲奏議

卷之十九

一

勛各行禮欽此欽遵外照得嘉靖十五年二月十五日
例該請聖駕躬祭先農行耕籍禮案呈到部臣等仰惟
皇上保愛聖躬順時謹攝臣民幸甚臣等連日出郊供
事春寒尙凜風色甚嚴旬日之內恐未便暄暖九重之
上正宜靜養崇護以迓滋至之休竊惟車駕決未可遠
卽郊甸况仲月各項祭祀已蒙遣官代行今照耕籍在
邇伏望皇上以保和聖躬爲重先農之祭合無一體遣
官代攝親耕之禮暫行罷免實慰中外臣民惓惓忠愛
之私臣等無任懇祈願望之至

嘉靖十五年二月初六日具題次日奉聖旨覽所言



具悉忠愛至意朕今已復故委不可不慎耕田暫輟
祭祀遣宣城伯衛鐔行禮卿等各宜用心辦事

桂洲奏議

卷之十九

二



祭服裝宜辨爵衛輪行斷興華各宜慎之
具悉忠愛至意朕今已復故委不可不慎耕田暫輟

年例進貢襲職求討誥勅疏

主客清吏司案呈卷查先奉本部送該本部題本司案呈奉本部送禮科抄出四川都指揮使司等衙門掌印署都指揮同知等官劉永昌等奏起送烏思藏輔教王差來到京國師短竹劄失等一十五員名并存留寨主沙刺臥步等一千三名大乘法王差來到京國師吒什短竹等一十五員名并存留番僧松南朶兒只等一千四名闡教王差來到京國師旦吧堅參等一十五員名并存留寨主宅令等一千一百四名并長河西魚通甯遠等處軍民宣慰使司差來到京寨官桑杲短竹等一

桂洲奏議

卷之十九

三

十五員名并存留寨官桑巴短竹等一千三名各備珊瑚銅佛氍氈等物赴京進貢內闡教王差來番僧惡兒步等一百名赴京謝恩等因俱奉旨該部知道欽此欽遵隨該通政使司參看得四川都司等衙門奏本空白太多事屬違式所據承行官吏合當查究宜從抄出施行抄出到部送司俱行准提督會同館本司主事江曜手本開據西番館通事主簿葛嵩等譯審無礙緣由轉繳到司除將進到方物已經具題進收及各僧徒襲職事情移付本部祠祭清吏司徑自查覆外例應給賞查得各地方賞例烏思藏輔教王大乘法王闡教王各差

來進貢謝恩到京國師番僧人等每人綵緞一表裏紵
絲綾貼裏衣一套三件其存留都綱番僧人等每人綵
緞一表裏折與闊生絹四疋紵絲綾貼裏衣一套內二
件給與本色一件折與闊生絹三疋俱賞鈔五十錠折
靴襪鈔五十錠食茶六十觔進過方物例不給價其帶
進輔教大乘闡教三王方物各回賜綵緞四表裏長河
西魚通甯遠等處軍民宣慰使司差來到京者每人賞
闊生絹二疋折衣綵緞二表裏俱與本色存留者每人
闊生絹二疋折衣綵緞二表裏內一表裏給與本色一
表裏折與闊生絹四疋俱與鈔一百錠進過方物例不

桂洲奏議

卷之十九

四

給價查得嘉靖六年十月內該本部會議題准番僧番
人正賞折衣綵緞不等俱與一疋折給及查成化年間
節該本部題准事例烏思藏輔教等四王每王名下例
該三年一貢各許差一百人多不過一百五十人長河
西魚通甯遠等處軍民宣慰使司三年一貢每貢多不
過一百人如有國師禪師在司住坐者不許各另差人
進貢其有退老事故等項著令親徒兒男襲替赴京進
貢國師差一百人禪師都指揮以下各差五十人多不
過一千人數外多者照例阻回其都綱指揮以下來替
者止許隨同年例進貢嘉靖四年十月內該闡教王并

長河西魚通甯遠等處軍民宣慰使司差來到京并存留國師都綱番僧二起各一千員名該本部議將各除年例額數於例應合全賞違例過多之數俱各減革賞賜但既經都布按三司并該邊官員驗放起送前來亦非各番僧之罪合無今次姑從寬將到京并存留番僧通行全賞以全柔遠之愆等因題奉旨是這過額違例番僧既經該邊官員起送前來都准全賞今後不許額外驗放欽此欽遵及查得先年長河西地方違例過多人數到京者每名減去闊生絹二疋存留者每名減去闊生絹三疋嘉靖十年又該輔教王大乘法王差來到

桂洲奏議

卷之十九

五

京并存留國師都綱番僧二起共二千四十員名該本部議將一千四百九十員名於例相應全賞外五百五十名查係違例過多之數照依本處減賞事例每名減去闊生絹一疋等因題奉旨是欽此欽遵俱經通行給賞外今該前因查得前項各起差來到京并存留國師都綱寨官番僧劄失短竹等通計四千一百七十四員名內除年例進貢輔教大乘闡教三王各一百五十名闡教王謝恩一百名長河西魚通甯遠等處軍民宣慰使司一百名并各起襲職國師都綱刺麻番僧七十四員各差不等共該四千一百員名俱於例相合全賞七

十四名查係各起多差之數於例有違通查案呈到部
看得今次輔教大乘闡教三王并長河西魚通甯遠等
處軍民宣慰使司各差來進貢龔職謝恩國師寨官番
僧除於例相合者照例全賞違例過多之數合照前項
減革事例給賞其輔教等三王綵緞數少不折外所據
長河西魚通甯遠等處軍民宣慰使司該賞緞疋既經
本部會議題准本色銀兩兼折相應折給及照四川都
指揮使司等衙門署都指揮同知等官劉永昌等奏本
空白太多事屬違式既經該司參出前因亦應參究通
候命下之日緞絹衣服鈔錠銀兩開赴內府各該衙門

桂洲奏議

卷之十九

六

及行工部通行領出各起存留番僧人等賞賜關付到
京國師寨官短竹劄失等眼同原來伴送百戶程璽等
關領前去應給食茶行移四川布政司轉行查馬司照
數支給回賜綵緞表裏行移翰林院請勅給與本部類
行彼處撫按衙門將存留番僧人等賞賜委官驗實照
名給散劉永昌等查提到官問擬應得罪名照例發落
仍轉行都布按三司并該邊官員今後不許額外起送
如再一槩朦朧驗放者定行參究治罪嘉靖十四年十
一月十七日少保兼太子太保本部尙書翰林院學士
夏言等具題本月十九日奉旨是欽此欽遵已經行移

內府各該衙門關給賞外查得嘉靖十年該四川都指揮使司等衙門起送烏思藏闡化王差來到京國師并存留番僧人等共一千一十九名赴京進貢該本部查得近年本部題准董卜韓胡長河西宣慰使司以後進貢照宏治以前舊額多不過一千員蓋亦慮恐一時襲職國師禪師轉集數多則各量裁抑不過千人若國師禪師襲職數少則自當隨數來貢或三四百名或五六百名非謂必欲轉滿千人許刺麻都綱亦帶人進貢與舊例自相矛盾也今闡化王并襲職國師禪師差來番僧七百六十九名於例相應外其襲職都綱刺麻人等

桂洲奏議

卷之十九

七

舊例未開許差僧徒二十五人今照差來番僧人等共二百五十名俱係違例過多之數應該減革賞賜合無將過額違例者照依董卜韓胡宣慰使司例每名減去闊生絹一疋本部仍備行彼處鎮巡衙門轉行都布按三司并該邊官員以後遇有各夷入貢每王名下許差一百人多不過一百五十人如有國師禪師在本寺住坐者不許各另差人其有襲職國師差一百人禪師都指揮以下各差五十人都綱刺麻以下來替者止許隨同年例進貢如有人數過多者即便阻回永爲定例若國師禪師數少則自當隨數而來或三四百名或五六

百名不待轉滿千名如再仍前將都綱刺麻帶來人數一概朦朧額外起送者定行參究治罪題奉旨是合例的全賞違例的減去餘依擬欽此本年間又該四川都指揮使司等衙門起送烏思藏輔教王差來到京國師并存留番僧共一千一十九名大乘法王差來到京國師并存留番僧共一千二十一名各赴京進貢該本部查得本部先年題准事例烏思藏大乘法王係出家高僧無地土番民管束不給勘合亦無年例進貢聽其欲來止許差僧徒十人齋執印信番本隨同闡化等四王年例進貢又查得成化年間題准事例烏思藏輔教等

桂洲奏議

卷之十九

八

四王三年一貢每王名下各許一百人多不過一百五十人如有國師禪師在本寺住坐者不許各另差人進貢其有退老事故等項著令親徒兒男襲替赴京進貢國師差一百人禪師都指揮以下各差五十人數外多者照例阻回其都綱指揮以下來替者止許隨同年例進貢既經本部題有前例合將今次輔教王并襲職國師禪師差來番僧給與全賞其餘都綱刺麻差來過多番僧二百五十名每名減去折衣闊生絹一疋其大乘法王差來進貢人數止許差十數人隨同進貢比與四王事體不同今亦聽差僧徒一千餘人似爲過多但查

節年以來每與闡化等王同來者俱一例給賞合無俯從將大乘法王并國師禪師差來正額合例僧徒全賞其都綱刺麻差來過額違例僧徒三百名每名量減折衣闡生絹一疋以全柔遠之恩本部備行彼處鎮巡衙門轉行都布按三司并該邊官員以後遇有大乘大寶二王入貢既無地土人民管束止許照例差僧徒十人不許仍前比依四王人數額外起送如再一概朦朧驗放者定行參究治罪等因題奉旨是欽此欽遵外今該前因通查案呈到部看得今次烏思藏輔教闡教大乘各王并長河西魚通甯遠等處軍民宣慰使司各差來

桂洲奏議

卷之十九

九

進貢襲職謝恩人等雖已經題奉欽依給賞但查有本部節年題准事例烏思藏并長河西各地方都綱刺麻帶來進貢僧徒及大乘法王例止許差僧徒十人今帶差僧徒一千餘人俱係過額多餘之數例應減革賞賜但既經都布按三司及該邊官員驗放起送前來本部每從寬處俱一體給賞以全柔遠之恩但以後不許朦朧額外起送違者聽本部參究治罪而各該官員明知節年題准前例往往仍前額外起送顯是該邊官員貪圖貨賄專務姑息通同隱蔽都布按三司官不行查例明白依文起送俱屬有違合候命下移咨都察院轉行

彼處巡按御史將各經該官員查提到官酌量情罪輕重照依律例問擬發落以警將來本部仍備行彼處鎮巡衙門轉行都布按三司并該邊官員以後但遇烏思藏輔教等四王入貢查照舊例每王名下三年一貢各許差一百人多不過一百五十人長河西魚通甯遠等處軍民宣慰使司三年一貢每貢多不過一百人如有國師禪師在本寺住坐者不許各另差人其有襲職國師許差一百人禪師都指揮許各差五十人多不過一千人都綱刺麻指揮以下來替者止許隨同年例進貢如都綱以下但有帶來進貢僧徒俱係違例卽行阻回

桂洲奏議

卷之十九

十

不許驗進方物一概混同具本開冊起送若國師禪師襲職數少自當隨數來貢或三四百名或五六百名亦不必輒滿千人其大乘大寶二王入貢止許照例差僧徒十數人隨同各王進貢不許仍前比依四王人數額外起送冒濫賞賜有乖明例如再故違聽本部從重參究該邊官員坐問贓罪番人革賞庶幾法例明而事體一朝廷尊而裔夷服矣

嘉靖十五年正月十二日具題十四日奉旨是番人進貢已有明例今次過額數多顯是邊官貪圖貨賄都布按三司官不行查審朦朧起送都著巡按御史提了問今後再有違的你部裏指名參奏重治不饒欽此

議嚴省諭以廣聖恩親親疏

儀制清吏司案呈奉本部送禮科抄出欽差陝西巡撫黃臣題會同陝西巡按周鈇議照九經之義以親親爲大聖王之治貴未然之防親親仁也未然之防義也義以輔仁則不傷恩不廢法仁斯博矣虞舜之處象也封之有庠使吏治焉納其貢稅而不得有爲於其國成周之處五叔也有土無官夫其受貢稅其有土者親之也仁也其不得有爲其無官者處之也義也未然之防也必如是而後恩全必而是而後法信我太祖高皇帝分封親藩仁義並用媲美虞周而祖訓一書謨範深遠似桂洲奏議

卷之十九

十一

又過之列聖相承益崇繼述嚴奏聞之例重撥置之科布出城之禁其所以推廣恩德保全宗支之意淵乎微妙矣奈何承平日久繁衍日增夫惟承平久則法度浸玩矣繁衍增則賢不肖間出矣賢者樂善好禮其次安居守分二者間亦有之但不肖之人恆多驕淫恣肆蔑棄禮法是故有敗倫傷化者有毆死平人者有窩藏盜賊者有因爭小利而骨肉相殘者有己私不遂乃至操筆露刃以凌辱勘官者有姦占良家妻女者其他若占愆犯人欺侮輔導包姦樂婦私出鎮城侵奪民田強買商貨出入公門毆罵吏隸違法悖理之事不可勝數親王

以煩瀆聖聽不欲盡聞有司以畏避國姓不敢舉發撥
置者穴城潛社罔正厥辜被害者含忍辱辱不得伸理
又有姦惡小民罪狀發露身無所容或投爲家丁或認
爲佃戶輒爲隱蔽終遂姦巧日習月化轉相效尤夫爲
治有紀綱立國在根本紀綱布則治教達根本固則枝
葉榮禮度者朝廷之紀綱也百姓者朝廷之根本也宗
室者朝廷之枝葉也敗禮愆度則紀綱壞上行而下效
焉則治教壅紀綱壞治教壅則根本由之撥矣求欲久
安長治枝葉之榮得乎臣爲陝西布政閱二載矣奉命
巡撫亦以一載矣稔聞韓府宗室充滿郡城實多乖肆

桂洲奏議

卷之十九

十一

其驕橫行事廢壞政體者不敢煩數姑以前撫按官具
由參奏者言之若借港之強占民田刁拐人妻探打知
府吳世良成傷糞汗知府鄭珩紗帽攘奪知府任守德
財物圍繞知府王松不容朝覲旭杯之僞印詎取糧銀
累死大戶旭杖之盜賣他人田園包姦樂婦借浙借滙
之容住脫逃強賊挾要賊贏旭檜之私債質當領文盜
支祿糧借泐之逞淫貪慾自招外侮輕信姦謀赴京妄
奏旭梔等百五十人之私出禁城打傷守門官軍擁聚
驛門圍阻總制王尙書又如借濠之打死平人旭櫛之
姦占良人妻女借溜之因債致逼人死借滅旭柱借浓

之因爭家財叔姪相毆此皆節經親王參奏轉行巡按御史勘理隨行守巡轉委長史司平涼府提人勘報去後中間旭柱旭樞旭挺旭棧等占恠沮撓無端違抗使官司不得盡法公移不可結絕臣等巡歷該府地方亦嘗備陳法理詳盡告諭猶復驕蹇如故大抵惟求勝人不肯反已止圖利便罔畏法度頃臣等奉勅前來會勘旭柳等不法事情居日益久聞日益眞違法之事固不止如所勘者而已臣惟思患預防聖王之道也愆一警百致治之要也釋今不處恐星火或可以燎原履霜馴致於堅冰甚可畏也甚可慟也伏望皇上念邊郡關繫

桂洲奏議

卷之十九

三

之重諒守臣展布之艱篤親親之恩周保全之義勅下韓世子省諭各郡王府宗室各體聖心各遵祖訓良善者益用加勉以昭宗人之賢弗訓者追訟往愆以求自新之實再有仍前不悛者許輔導官具啟世子從實參奏處治府衛等官卽將撥置誘引之人照例從重問罪發遣干礙宗室并輔導官員開呈撫按守巡等官參奏定奪仍乞勅該部通行各處王府一體省諭戒飭施行其旭柳等不法事情待臣等勘明之日奏請發落如此則圖明怨於不見梏童牛於未角聖代之恩澤流通於至親朝廷之紀綱不遺於近貴親親仁民而愛物下足

以保四海家齊國治而天下平上可以追三代矣又該
陝西巡按周鈇題同前事等因俱奉旨該部知道欽此
欽遵通抄送司案呈到部看得陝西巡撫黃臣陝西巡
按周鈇各題稱韓府宗室其間有敗倫傷化有毆死平
人有窩藏盜賊有姦占良人妻女有因爭小利而骨肉
相殘有已私不遂而凌辱勘官如此違法之事不可勝
數乞要勅下韓世子省諭各郡王府宗室仍通行各處
王府一體戒飭一節爲照今天下宗藩分封日廣眾衍
日益中間賢而恪守祖訓樂善好禮安分守法者固多
而驕淫縱肆蔑棄禮法違悖條禁者往往不少已節該
桂洲奏議

卷之十九

十四

本部申嚴戒諭去後今該陝西撫按等官黃臣等具題
前因無非保愛宗室以全國體至意相應再行申明合
候命下行移陝西布政司轉行韓府長史司具啟世子
知會痛加省諭各郡王府宗室今後務要仰體聖心各
遵祖訓追訟既往之愆以求自新之實再有仍前不悛
者許輔導官具啟世子從實參奏處置府衛等官卽將
撥置誘引之人照例從重問罪發遣干礙宗室并輔導
官員開呈撫按守巡等官參奏定奪其旭柳等不法事
情聽撫按官勘明奏請發落不許故違沮撓仍通行有
王府去處撫按等官轉行該府長史教授啟王知會刊

刻板榜張掛曉諭宗室人等如有前項違法及抗拒官
司稔惡不悛者許輔導等官啟王指名參奏輕則革去
爵秩重則送發高牆庶國法嚴明而宗室亦各知所保
全矣

嘉靖十五年正月十六日具題十八日奉旨是便行
與該府著世子嚴加省諭務要恪遵祖訓以圖自新
如稔惡不悛卽具實參奏從重究問近來各王府委
的多有蔑棄禮法違悖條禁仍通行天下王府刊刻
板榜一體曉諭欽此

桂洲奏議

卷之十九

五

議處夷人逾期朝貢疏

主客清吏司案呈准兵部咨車駕清吏司手本奉本部送內府兵科抄出巡撫遼東都御史任洛題據代撫順備禦指揮吳哲呈節奉會議明文今後夷人入貢查照舊例每年十月起十二月終止俱限正月以裏到京等因除遵依外今照嘉靖十四年十二月十九日建州左等衛夷人都督松巾幹黑納等八十名到關隨令通事千百戶高欽等審得各夷緣何來遲當據松巾等說稱我們遞年朝京去驗的馬都是裏邊寨裏買將來的今年比常年不同因雪大又進裏邊寨裏尋買馬匹去了

桂洲奏議

卷之十九

共

我們先買了的來進了望馬法替我們呈文書到上頭大馬法怎麼可憐見後頭來的人遲了不與計交隨到隨我們草地里人都得生了等語據此查得來夷不滿百名尚有四百名未到竊慮各夷到齊延至正二月間若不預爲呈請恐致久羈生疑爲此今將前項緣由呈乞定奪施行等因到臣會同鎮守太監王純總兵官右都督馬永議查得先爲夷人朝貢事該兵部題奉欽依今後查照舊規每年十月起十二月終止俱限正月以裏到京如該邊官員不遵驗放過多其撫夷邊官聽本部驗其過多之數參職問革其應放不放不應放而放

者聽鎮巡等官徑自查訪究治備咨前來已經會行各該分守備禦馬市等官遵依外續准禮部咨爲陳言邊務事該本部議擬今後入貢人數過多者卽便省論回還到邊逾期者不許開關放入縱有不得已之情亦須奏請明旨方准驗放等因題奉欽依備咨前來又經備行該邊官員遵依去後今呈前因及查撫順原額貢夷五百名今止放建州等衛夷人都督松中等八十名尙有未到四百餘名况各夷說稱俱往裏邊寨裏尋買馬匹又因雪大以此來遲且開原額貢夷人一千名方纔陸續到邊臣等欲遵前例行該邊官員將逾期來貢夷

桂洲奏議

卷之十九

七

人俱不許放入不無阻向化之心况查額貢原數不足及又奉前項欽依事理除松中等已該遼東都司起送前來外其後來逾期入貢夷人額數應放者欲候逐起奏請至自驗放未免各夷到邊住牧日久恐生疑貳如蒙乞勅該部查議合無將到邊逾期後來懇求入貢夷人訴有不得已之情者憫其向化查的額數驗放若人數過多者省論回還不許放入惟復別有定奪又該遼東鎮守太監王純總兵官右都督馬永各題同前事俱奏奉旨該部知道欽此欽遵抄出到部送司案查先爲陳言邊務事該巡撫甘肅都御史趙載題內開一審聽

夷使以防姦匿該部議照遼東女直夷人每貢不出千
人以上入貢俱十月以裏係是舊規近來邊臣苟圖地
方一時之安不惜朝廷百億之費違禁濫送領賞者絡
繹方歸入貢者接踵復到驛遞騷然館穀無暇跡其貪
狠狡猾之弊大略與西域賈胡無異合行移咨遼東等
處一體禁約今後入貢人數過多者卽令省諭回還到
邊逾期者不許開關放入縱有不得已之情亦須奏請
候有明旨方許驗放等因題奉旨是欽此欽遵今該前
因案呈到部看得女直夷人朝貢自有常期各衛站所
自有定數此祖宗畫一之法不可違越者也比年以來

桂洲奏議

卷之十九

六

往往逾期過額守邊大臣多爲地方重拂夷情或違例
濫放所以本部具題奉有前項欽依行之已久今都御
史等官任洛等又有此奏但據該松中等番文說稱俱
往裏邊寨裏尋買馬匹又因雪大以此來遲似亦有詞
除松中等八十名已經到館准令入貢外此後續有來
遲入貢者務查節年放過人數若干如或未及常年之
數方准驗進若復過額卽便開示祖宗成法省諭回還
不許多放一人以後務要依期入貢庶幾朝貢以時法
守嚴明亦可免供億搔擾之弊矣

嘉靖十五年二月十一日具題本月十三日

奉旨是
欽此

例請春分朝日壇行禮疏

祠祭清吏司案呈照得嘉靖十五年二月二十二日奉分祭大明於朝日壇查得先該本部題奉聖旨朝日壇間歲一親祀以甲丙戊庚壬年行事著爲令典欽此欽遵今年歲次丙申例該遵奉成命恭請聖駕躬詣朝日壇行禮但查得嘉靖十四年二月內該太常寺題稱朝日壇例該遣官行禮等因奉聖旨大明乃羣神首祭去歲朕未躬祭今歲一行後照年分欽此近又查得今歲祭先農行耕籍禮該本部題稱春寒尙凜聖駕決未可遠卽郊甸先農之祭合無遣官代攝親耕之禮暫行罷

桂洲奏議

卷之十九

九

免等因節奉旨耕田暫輟祭祀遣宣城伯衛鐸行禮欽此欽遵外今照春分在邇例該呈乞題請施行案呈到部照得今歲春分雖奉有前項欽定令典當親祭之年但去歲車駕已經恭詣朝日壇行禮皇上事神之誠已爲獨至邇者春氣尙未融和聖躬正在謹攝之時况雨雪之後泥淖沾塗車駕經幸未便所據今歲朝日壇祭祀伏乞聖裁暫行遣官代攝以後遵照令典舉行臣等不勝幸甚

嘉靖十五年二月十五日具題十七日奉旨朝日之祭朕親行禮若前期一二日間有雨則遣官

議處夷情以固邊防疏

主客清吏司案呈奉本部送准兵部咨職方清吏司案呈奉本部送兵科抄出陝西總制三邊軍務兵部尙書唐龍題切照甘肅一鎮專一防禦回虜西番諸夷諸夷之中惟土魯番回夷性極狂狡而夷酋速壇滿速兒尤如鬼蜮之不可測也距肅州一千二百餘里曰哈密本元人脫脫之國洪武年間以其國來降乃改爲哈密衛封脫脫爲忠順王俾世守哈密以掌西夷入貢之戎又於沙州等處立蒙古罕東曲先赤斤苦峪等衛分處番屬以衛我甘肅地方相維相保庶幾藩籬之固焉成化

桂洲奏議

卷之十九

三

年間土魯番速壇阿力并其子阿黑麻生事邊境值忠順王孛羅帖木故其母理事速壇阿力乃因而虜之旣罕慎襲封又殺罕慎陝巴繼襲阿黑麻又執陝巴及拘誘陝巴子拜牙卽自茲哈密眾散亡矣其時彼回尙止與哈密爲讐未敢侵及沙州之區也正德七年速壇滿速兒聽信姦夷火者他只丁牙木蘭虎力奶翁等撥置及有寫亦虎仙滿刺哈三陰構其間乃敢竊據哈密而有之漸侵沙州以東而蒙古罕東曲先赤斤苦峪城池俱被殘破番屬俱被殺逐於是甘肅藩籬蕩然而撤甚至勾引瓦剌諸夷正德十一年直犯肅州戕殺將領嘉

靖三年深入甘州圍困城堡地方荼毒不可勝言該提督尙書金獻民撫按等官陳九疇盧問之俱議閉關絕其貢路又該鎮巡等官都御史寇天敘等議令速壇滿速兒將所占哈密城池退出搶去人口送還仍許通貢不絕蓋因彼回求貢甚堅而我亦無終絕之理特持以困之使知許之之難將來不敢輕叛以堅其歸向之心而已續該提督尙書楊一清立經權之論特酌於理又該總制尙書王瓊執曲直之辯姑假以辭大抵俱言能阻彼回入貢之路而終不能遏其入寇之路也隨該尙書王瓊親詣甘州同鎮巡等官都御史唐澤等會議具

桂洲奏議

卷之十九

三

奏開關容彼回照舊通貢仍令退回哈密城池處置已俱得宜嘉靖十一年內速壇滿速兒差虎力奶翁及天方國等處夷使各齎方物進貢但番文內俱挾討牙木蘭及將哈密城池仍前占據走回人口趙月等又供彼回要待奶翁回還收拾人馬來侵犯肅州等語桀黠之氣固未除焉幸而奶翁在途病故彼回又方與瓦刺達子讐殺未遑他圖近據逃來夷人哈六刺等供報彼回要將哈密城池交與都督米兒馬黑木母管理似漸有感恩悔禍去逆効順之意是固中國之利亦彼回之福也但彼回譎詐之性素不可測人口供報之詞亦未足

憑馭之道亦惟有順則撫之以恩逆則震之以威二端而已況今又當進貢之期防處事宜尤宜預計以後彼回果能輸情納款別無叛心則固許通貢不輕絕之仍務令遵照三年或五年一次則例不許攙期夷使雖多每十人中止起送二人不許過數在地方務要聽該鎮鎮巡官約束不許生事鎮巡官尤各要嚴立防範之規兼盡綏柔之意凡所買賣令其兩平交易嚴禁通事一切人等弗得抑勒騙賴以失遠夷之心在途聽所在官司催督日行一程不許稽延騷擾驛遞仍預行沿路大小王府毋輒與買賣致褻國體及到京該管衙門嚴加關防及禁私相往來之人一應合用通事俱務擇小心畏法人員其中敢有透漏事情噴賺財物教誘爲非者寘之於法若彼回仍討要牙木蘭則明論以牙木蘭乃我番屬非彼回種旣已安置日久斷不可發以絕其希望之心尤要諭令將哈密城池作急退還庶幾法制不疎而他虞可杜也臣又竊料彼回猶猛獸然饑則求食飽則噬人且其垂涎甘肅固有年矣雖稱奶翁已故牙木蘭已安置安知夷眾之中不復有撥置之者乎彼回昔常糾瓦刺以犯甘肅矣而今雖與之讐殺終同夷類易於相親又安知不連眾爲我邊患乎此皆不可不

深慮者也仍合行該鎮鎮巡各官區畫糧餉務要充實
訓練兵馬務要精強修理城堡務要堅固增置烽堠務
要嚴謹如或彼回稔惡不悛敢來侵犯既使併力隄防
隨機截殺興聲罪致討之師申閉關絕貢之議使其進
而遭衄處地方兼管屯政都察院右僉都御史趙載揭
帖開稱土魯番差夷使馬黑麻虎力奶翁等一百四十
九名天方國差夷使火者阿克力等五十四名撒馬兒
罕差夷使火者馬黑麻等一百六名額卽札差夷使火
者皮列等五十八名哈密衛差夷使滿刺亦思馬因等
四十七名各進馬匹方物等件入貢及投遞番文討要
桂洲奏議

牙木蘭及請明入貢限期欲要本部會同議擬緣由到
部本部看得我祖宗天錫勇智大德踐祚百度維新四
夷來王惟朝鮮國朶顏福餘泰甯三衛每年正旦聖旦
兩次進賀朝鮮止三十人三衛足三百人其他諸夷并
西番各土官衙門及迤北酋虜海南列國或一年三年
五年十年許貢一次進貢各有常期夷使各有定數載
在會典與今該司所查各有事例明白不敢踰越今土
魯番各國差來夷使謝恩進貢投遞番文幾二百紙起
送人數倍違舊例况每紙番文俱以取討牙木蘭爲詞
如出一口中間求索賞賜金銀綵緞器皿數且不貲難

以應塞竊思前項番夷驕獷狡黠今次入貢分明挾勢
要求假託窺伺以覘朝廷處分而邊臣不循往例一概
起送前來似乖事體若不申明舊例將來歲復一歲增
而又增彼欲進貢則容其進貢彼求賞賜則與之賞賜
是敝中國以事外夷而我威浸弱彼志益驕何以救藥
於將來也至於哈密貢期正與朶顏三衛相同蓋三衛
爲京畿東北藩籬所以祖宗定制俱許其一年一貢每
貢不過三百人三衛都許來京哈密每十人起送二人
存留八名今西域諸夷遠在萬里之外本非素附之國
難比朶顏三衛貢期况據通事王鳳查稱額卽札哈辛
桂洲奏議

卷之十九

書

係韃靼回夷素未入貢今亦差來使臣五十八名想是
土魯番部落假稱國王名色冒貢圖賞設謀詭秘抑未
可知合候命下本部移咨兵部差人馬上齎文與都御
史趙載將今次各國夷使作急查照舊規及近年題准
事例應該起送者照例起送其額卽札哈辛原非入貢
番夷合行總制都御史會同巡撫官從長議處應否奏
請定奪以後哈密衛分合照總制王瓊題准事例驗放
其土魯番天方等國每遇入貢年分務要遵照節年事
例奉行其起送并存留男婦數目開寫明白備造清冊
一本火速順付馳驛公差人員先齎送部收貯仍要另

出半印花攔勘合給使臣親執來京以憑比對定擬給賞其伴送人員嚴立限期毋得縱容沿途買賣騷擾驛遞生事害人一面行文知會陝西河南巡撫各轉行回夷經過處所預備車輛人夫遇各夷到日即便差撥防護起送不許淹留久住就將經過并起送過日期申呈巡撫衙門類造青冊咨送本部以憑查究仍行甘肅鎮巡等官籌邊謀國當務遠圖毋得避害目前貽禍異日貪納款之虛名以致引惹邊釁勾起戎心失禦夷之上策等因題奉旨是欽此已經通行欽遵外今該前因通查案呈到部看得總制尙書唐龍題稱甘肅一鎮專一

桂洲奏議

卷之十九

五

防禦回虜西番諸夷之中惟土魯番回夷速壇滿速兒尤爲鬼蜮之不可測今當進貢之期防處事宜尤宜預計以後彼回果能輸情納款固許通貢務令遵照三年或五年一次則例不許攙期每十人止起二人聽該鎮鎮巡官約束買賣令其兩平交易通事人等弗得抑勒騙賴以失夷心在途聽所在官司催督日行一程沿途大小王府毋輒與買賣及到京該管衙門嚴禁私相往來之人通事人員敢有透漏事情哄賺財物教誘爲非者寘之於法一節足見本官籌邊謀國慮患預防至意但照前項事情先該巡撫甘肅都御史趙載開具

揭帖該本部備查祖宗舊例覆題議擬事體已爲詳盡別無餘議今又經本官具奏前來相應再行申明前例合候命下移咨都察院轉行總制衙門及彼處撫按各該衙門今後土魯番天方等國每遇入貢年分務要遵照節年題准及近該本部題奉欽依事例奉行其起送并存留男婦數目開寫明白備造青冊一本火速順付馳驛公差人員先齎送部收貯仍要另出半印花攔勘合給使臣親執來京以憑比對定擬給賞其伴送人員嚴立限期在途聽所在官司催督毋得縱容沿途買賣騷擾驛遞生事害人一面行文知會陝西河南撫按衙門各轉行回夷經過處所預備車輛人夫遇各夷到日即便差撥防護起送不許淹留久住就將經過并起送過日期申呈巡撫衙門類造青冊咨送本部以憑查究仍預行沿途大小王府毋輒與買賣其到京之日本部仍行該管衙門不許私相往來通事人員敢有透漏事情哄賺財物教誘爲非者事發聽本部從重參究治罪庶幾法例明而裔夷服體統正而中國之勢尊矣

桂洲奏議

卷之十九

三

嘉靖十五年二月廿八日具題三月初一日奉旨是
夷人入貢已有旨了還行與總制等官務要照節年
題准事例行欽此

儀制清吏司案呈查得本部格眼文簿自嘉靖十一年起至嘉靖十四年止缺貢地方南直隸三十七處北直隸一百二十處浙江三十五處江西二十二處湖廣一百八十六處福建二十處廣東六十九處廣西一百二十四處山東七十六處山西九十三處陝西一百二十六處河南五十一處四川一百七十處雲南四十三處貴州二十一處通共一千一百九十三處俱係未經起貢應否行令考補等因案呈到部臣等看得科貢二途係祖宗舊制除三年一次開科鄉試外其歲貢之制每

桂洲奏議

卷之十九

七

府學一年起貢一人州學三年二人縣學二年一人俱令提學官於各學食糧年深生員內徑自考送如正貢不堪將以次陪貢者考充一應條禁具載提學官勅內凡布政司按察司及巡按御史不許侵越提督官職事其提學官必文行優長者方得選授若貢非其人廷試不中者發回原學肄業次年再試再試不中者照例充吏提調官教官罰治具招回部祖宗立法之意可謂盡善矣近年以來奏行新例令提學官會同巡按御史并二司官不論食糧深淺通行考取至將新進年少附學生員超補起貢廷考不中數及五名提學官降一級別

用坐是提學官畏忌太甚考校過嚴輒敢違背成憲將各府州縣學於該貢年分竟不起貢且如福建福州泉州候官晉江莆田等府縣江西南昌吉安廣信臨江貴溪等府縣浙江處州東陽嘉善義烏等府縣湖廣荊州襄陽承天永州江夏嘉魚等府縣河南光州洛陽山東臨清濮州陝西延安涇陽山西潞州代州四川敘州新都廣東東莞廣西桂林雲南大理北直隸順德南直隸甯國等府州縣俱素稱文獻之地發科登第未嘗之材豈無一人可充該學歲貢之選且國初詔天下建立學校猶慮僻壤遐陬未諳文教難概律以中土是以或令

桂洲奏議

卷之十九

美

免考送監或令從便舉貢或令選取身材不限文字每每寬立條格以開進取之路其良法美意固有在矣今乃不拘地方人才多寡一例考選以致廷試黜落率多偏方下邑之人往往羈孤流落不得其所提學官因是遂於乏才之地愈不敢起貢是使偏方下邑旣鮮科目又無歲貢可望其勢必至頽廢學校盡散生徒人沮進取之心俗失禮義之教似非祖宗立學設教之意况考選名雖會同權實歸於御史及至廷考不中卻又獨罪提學官員事理不通人心未協其於先年設官專督學政初議又大繆矣臣等目擊時弊不敢因循默默伏望

皇上俯念學校乃人才教化所出關係治理伏乞勅下
查復累朝學校起貢舊例行令各處提學官今後考試
生員止許於食糧年深內起送二人考選如正貢不堪
方將以次陪貢者考充不必會同巡按御史并二司官
員庶免牽制方可委任責成不許概學通考以啟夤緣
倖進之門其赴京廷試不中准令回學肄業次年再試
再試不中照例充吏止將提調官教官仍舊罰治提學
不必降級其一應提督學校事宜俱遵照祖宗成憲并
見奉勅書行事仍通行南北直隸其浙江等十三布政
司提學官備將嘉靖十一年後未曾起貢地方依例考
桂洲奏議

卷之十九

无

補起貢前來庶事體歸一便於遵守學校不致廢弛而
人才各得其所矣

嘉靖十五年三月初四日具題初六日奉旨是都只
照舊例行便行與各處提學官著以食糧次第起貢
欽此

申明監規以光聖教疏

儀制清吏司案呈奉本部送禮科抄出國子監祭酒呂
柟題稱等伏覩聖王以堯舜之仁興禮樂之治謂太學
乃賢士所關風化基本誤甄薄劣謬膺斯教臣等內省
恐懼圖報靡稱謹將應舉監規五事上塵聖覽如可採
用乞勅該部施行少裨治理臣等不勝戰慄瞻望之至
等因條陳五事題奉旨該部看了來說欽此欽遵抄出
送司案呈到部看了國子監祭酒呂柟題稱五事申明
監規足見本官留心職業成就人才之意臣等謹開立
前件議擬上請伏乞聖裁等因嘉靖十五年三月十三
桂洲奏議

卷之十九

手

日少保兼太子太保本部尙書兼翰林院學士夏言等
具題十五日奉旨准議納銀例貢逃監三月以外發回
原學肄業欽此

計開

一舉人在監本以觀光皇極薰陶羣士今查實數
以天下之廣止二三十人蓋自會試之後或入
監未久或就於禮部支稱他故駿奔原籍有志
者固不廢學餘多交際郡邑業治門產侵陵鄉
曲瀕及試期方攢監簿仍計水程覬圖撥厯未
仕如此居官可知乞勅該部將已未入監告回

舉人移文各省定限行取坐監違限半年者准在監作曠三月計月加曠若違至半年并通未入監故不至者免其考試庶幾士類知儆向學者眾安民有具前件臣等議得舉人會試下第之後多有稱病回籍又有到監數月告回依親搬取等項以致坐監缺人數多此實近來士習之弊誠有如祭酒呂柟所題者相應議處合候命下本部行南北直隸并浙江等十三布政司將原在部在監告病并依親搬取畢姻等項舉人俱以文書到日爲始限三箇月內起送前來

桂洲奏議

卷之十九

三

發監肄業如有違限半年者准在監作曠三月計月加曠若延至半年并通未入監會試臨期方至者定行送問查勘明白方准入試

一歲貢入監卽古鄉舉里選六德六行六藝之士也故稱四十道明德立近見歲貢中有二十上下者其德行焉考甚至禮讓未閑遇事輿爭煽及例貢勢利相加奔趨爲能殊壞士風是雖臣等無教亦緣各提學官嚴選貢之例慮有退貢懼貶已位故惟取詞章不論行檢遂使邊衛下邑質樸淪墜不獲一貢遲以數歲彼處學校與

廢設同乞勅該部轉行提學官當歲貢之期還於食糧年深三二名內考取隨地方都鄙高下人才多寡列爲上中二等使遐荒亦有文物爲齊民望方合聖上一視無外之心然其校文只准聖賢遺書理明詞達不專富麗若有蹈襲兩晉六朝人語奇怪難讀者俱從黜落仍必遵祖宗臥碑監規參取德行或注其平日某德某行於卷面亦可縱無完人雖一德一行亦是真才其五十以上無進益者照例給與衣巾終身如果頑狡虜行把持學校者徑自黜退不許冒貢

桂洲奏議

卷之十九

三

入監前件臣等議得祖宗歲貢舊制令提學官於各學食糧年深生員內考貢一人如果不堪方將以次陪貢者考充所以多得老成之士近年新例不論食糧深淺通學考取輒將年少小生充貢是以在監則未閒禮讓爭趨勢利授職則不堪爲人師長況才性可以發科登第者亦往往苟趨目前自棄遠大考其學業又不過崇飾浮詭無經明行修之實查得本部累次具題及近日奉有明旨是都只照舊例行便行與各處提學官者以食糧次第起貢遵守臥碑俱已

經通行外但今後在學生員年老無進益者照例給與衣巾終身如果平素姦頑把持學校挾制官府勾攬公事凡於一切行止有虧者令提學於歲貢之時查照本部題准事理嚴加查訪黜退不許食糧冒貢庶生徒知所趨向而科貢得人矣

一納銀例貢在監者固有監規教條日就月將近奉欽依聽其依親原籍亦得與考科舉此固可待志士矣惟他無志者一旦還里挾富豪之勢恃監生之名抗揖守令肆行鄉閭或兼服商賈

桂洲奏議

卷之十九

三

不復知所嚮往他日有官殃民不淺見今查有投文到監未及旬日卽逃回籍者數人乞勅該部將依親例貢行各提學官歲考之時隨本學生員量行試驗略用賞罰仍令轉行各府州縣正官月一查其行業類報庶幾知進亦肯復守監規其逃監及稱患病給假三箇月外者許臣等查報該部處治重則削其名籍前件臣等議得納銀生員旣已援例入監已是國學人數今欲令依親回籍者與同本處生員一體考試量行賞罰似非事體勢亦難行但稱逃監等項相

應查處合候命下本部行令南北直隸并浙江等十三布政司凡依親給假在家例貢生員限三箇月以裏起送前來發監肄業如有過違者照例送問其私自逃監者許該監查報本部轉行法司提問照依律例治罪

一公侯伯子孫已未襲爵未管事官例該在監習禮讀書月支饌米以養蓋有文事斯有武備也舊規每日在監其後偶從寬簡定以三八日期近臣等到監有三二人依期受書習禮者餘多不至蓋此輩憑父兄之勢倚閭閱之家惟耽驕

桂洲奏議

卷之十九

書

惰不修禮讓平居如此一旦管事豈知練撫軍士之道乞勅該部轉行各爵戒飭子孫使之敬業樂學以永保祿位與國咸休有違例久曠者許臣等指名參題前件臣等議得公侯伯子孫已未襲爵未管事并駙馬年二十五以下者俱例送監讀書近來委多廢失舊規相應申明戒飭合候命下備行兩京五軍都督府轉行各爵除駙馬都尉謝詔該本部奉有欽依劄付主事教習外其餘例該送監者俱要遵照舊規送監讀書習禮不許挾貴違教庶學業有成文武兼

濟他日可備朝廷任使而勳名闕閱爲益隆矣
一士必知古斯可通今儀禮一書乃成周致太平
之具臻鳳鳥之鳴者也世行高堂隆所傳十七
篇者宋儒楊復又爲圖解皆可習行近臣等選
諸生按圖學步自冠射鄉燕至士相見諸儀使
士子閑乎進退周旋之節養其中正和平之氣
惜此書稀少靡所取據而禮樂諸器舊多未完
甚至六館卓案亦皆不具乞勅該部重刊儀禮
印裝一二百部并造前項禮樂諸器卓案等事
以便諸生游業足準大雅鼓鍾辟雍周禮樂德

桂洲奏議

卷之十九

十一

樂語之義其諸生不能聲律者乞勅太常寺遣
知樂官道數人轉喻諸生節奏音響前件臣等
議得古人之學固不外乎禮樂而禮樂之用不
專在於器數文爲今祭酒呂柟欲備禮書樂器
使諸生閒習其事具見本官尙古好禮之意相
應議處合候命下行令該監將儀禮一書精加
校正刊刻印行本部仍移咨工部照數給與工
食紙價併將該監原有禮樂諸器及卓案等件
果有損壞不備通行查明補造發監備用所奏
乞勅太常寺遣知樂官道數人轉喻諸生節奏

音響緣太常寺官生俱係供祀郊廟人員難以
遣撥宜令諸生自行講求習學

桂洲奏議

卷之十九

美



奏議宜令諸生自行講求習學
音響緣太常寺官生俱係供祀郊廟人員難以

奉議祭告天壽山西山各陵禮儀疏

嘉靖十五年三月十五日欽奉勅諭朕菲弱支人上戴
皇天隆眷嗣續祖宗大寶仰列聖陵寢禮當恭謁皇祖
皇考道所不及各命官奉朕孝意一祭告天壽山長陵
等七陵朕躬叩拜西山皇高祖妣恭讓章皇后皇曾叔
祖景皇帝陵所亦展拜一次庶慰朕追感之情便擇日
具儀來看欽此又該本部尙書夏言於文華殿欽奉面
諭并續奉御札茲修謁陵之禮必一同奉聖母行今可
卽二十一日駕發到陵歇一日二十四二十五二日行
謁告禮二十六日又歇一日次日往西山拜二寢隨時

桂洲奏議

卷之十九

七

禮畢還京又后妃宮眷當從欽此欽遵除皇祖孝陵皇
考顯陵遵照勅諭另行奏請命官祭告外所有皇上親
謁天壽山長陵等七陵及西山恭讓章皇后景皇帝陵
行禮一節臣等仰惟皇上久念嗣承大寶之重恭修謁
陵之禮上奉聖母皇太后一同謁拜復命官祭告孝陵
顯陵以遠申孝意拜恭讓章皇后景皇帝二寢於西山
孝誠融液禮意周洽實累朝之曠典帝王之大孝也所
有車駕啟行并展謁祭告一應禮儀理合開坐上請伏
乞聖裁勅下內外各該衙門遵奉施行

計開

一前期太常寺備辦祭告內殿祭品翰林院撰祝文

一先期上奉皇太后率皇后告內殿畢各還宮

一二十一日卯時啟行上奉皇太后升輦上駕前導后妃輦轎後隨至沙河行殿上奉皇太后入降輦侍膳畢出百官行叩頭禮如常儀

一二十二日天明百官詣行殿行叩頭禮各衙門奏事如常儀百官先行上奉皇太后啟行后妃後從至天壽山紅門上奉皇太后降輦入左門皇太后陞輿上駕前導至行殿駐蹕侍膳如前

桂洲奏議

卷之十九

羹

一二十三日百官叩頭奏事如前儀

一二十四日免朝上具黃袍詣長陵行祭告禮畢

百官退先詣前一陵候駕上奉皇太后率后妃入行謁拜禮畢出次謁獻陵如前儀次詣景陵儀具同前

百官退詣行殿候二十五日詣裕陵茂陵泰陵康陵儀具同前

一二十七日百官叩頭奏事畢前行駕發詣西山謁恭讓章皇后景皇帝陵儀具同前於次日早行禮

一二十八日行祭禮畢少憩駕還京

一錦衣衛設大駕鹵簿侍衛扈從酌路之廣狹爲

行止

一府部九卿及詹事府翰林院國子監等衙門堂上掌印官各一員可屬官各一員六科十三道官各一員扈從公事在途以便衣

一工部差官修理橋梁道路搭蓋行殿三所

沙河

天壽山

西山

一兵部奏請簡命皇親駙馬文武大臣守衛京師并直守皇城四門京城九門分調提督武臣把守各山口關隘及選點扈駕車馬奏差科道官

點開戶部關給行糧

桂洲奏議

卷之十九

堯

一光祿寺隨處預備御膳及酒飯供具

一三月二十一日聖駕發京是日免朝文武百官先赴德勝門外送駕駕過退

一二十八日回鑾大樂鼓吹振作聖駕還京日文武百官軍民耆老人等俱出迎於郊上奉皇太后率皇后謁內殿奉皇太后還宮行禮畢上御奉天門朝百官

一百官陪祀具吉服上謁陵祭告儀注

一先期太常寺備牲醴香帛翰林院撰祝文駕至陵降輿導引官導上入陵左門享殿左門至殿

中央儀唱執事官各司其事陪祀官就位內贊
奏就位上就位內贊奏四拜上四拜平身傳贊

百官同典儀唱獻帛行初獻禮內贊導上請香

案前奏跪上跪司香官捧香跪進於上左奏上

香上三上香進帛官捧帛跪進於上右奏獻帛

上獻帛捧爵官捧爵跪進於上右奏獻爵上獻

爵訖內贊奏請讀祝祝位奏跪上至讀祝位跪傳

贊百官同贊讀祝讀祝官讀訖奏俯伏興平身

傳贊百官同典儀唱行亞獻禮儀同初獻典儀

唱行終獻禮儀同亞獻內贊奏四拜上四拜平

桂洲奏議

卷之十九

卑

身傳贊百官同典儀唱讀祝官捧祝進帛官捧

帛各詣燎位贊禮畢上奉皇太后率后妃謁陵

儀注

一太常寺備酒果脯醢翰林院撰告辭上行謁告

禮畢奉皇太后率后妃入女官奏就位行四拜

禮奏上香女官捧香皇太后三上香訖奏復位

跪皇太后跪后妃皆跪上跪於皇太后之左讀

辭官跪於上後讀訖奏興四拜禮畢

嘉靖十五年三月十五日具題十六日奉旨是都依

擬行

奉聖諭查訪堪輿疏

嘉靖十五年三月二十一日恭遇皇上恭修謁陵之禮
伏蒙宣召武定侯臣郭勛大學士臣李時尚書臣夏言
欽天監監正臣夏祚等侍從聖駕親詣天壽山迤東相
看得十八道嶺風氣翕聚堪爲大吉之地該監已經題
奉欽依欽遵外本年三月二十六日節該本部尚書夏
言面奉聖諭朕觀天壽山可以建陵去處已少若拘此
一山恐非所以待萬世之計卿宜訪求精知地理之人
於畿輔近地或與天壽山相近之處博選吉壤以備欽
此欽遵臣等竊惟自古帝王建立山陵重事非極精於
堪輿之學者不能測識看得天壽山形勝天造地設誠
爲我國家億萬年根本之地但列聖陵園卜建已多此
外盡善盡美之地已少茲不可不預加訪求誠有如聖
諭者但今欽天監官生習占候曆數之學原無地理專
科之設故諳通地理者絕少臣等查得永樂七年太宗
文皇帝營山陵於昌平縣上命禮部尚書趙玘以明地
理人廖均卿等擇地得吉於昌平縣東黃土山車駕臨
視遂封其山爲天壽卽今七陵所在是也均卿乃江西
人及查大明一統誌載江西雩都縣曾文迪精識地理
幾於僊道而廖瑀楊筠松俱一時名師今其子孫或尙

有能傳其業者合無本部差官一員齋文前往江西行
令撫按衙門訪查前項曾楊廖氏子孫果有秘受祖術
得其真傳者各起送一人前來仍於各府州縣地方博
訪精通地理著名之人不限名數一併起送候至日本
部再考驗奏請定奪施行

嘉靖十五年四月初五日具題初九日奉旨依擬便
行取來說

桂洲奏議

卷之十九

聖

祠祭清吏司案呈奉本部送禮科抄出太傅武定侯郭
勛等題先該少保禮部尙書臣夏言恭捧聖諭朕去歲
已與卿擬定待廟工告成方舉謁陵之典然朕惟今如
因小就大卽議山陵之建一面做地工辦料物及至廟
工之完正接而舉興造之庶不虛曠人力若是則先命
官往視以竣朕親往作之卿其卽先密會勛時鼎臣瓚
庭榻五臣計來隨該臣勛等會奏議得以爲山陵之事
前古帝王皆所諱言惟我太祖高皇帝太宗文皇帝嘗
預修陵寢至今相傳以爲非常之聖乃有非常之舉茲
桂洲奏議

皇上欲因小就大卽議山陵之建非達諸天道有所未
能蓋與太祖太宗同一揆矣但山陵重事必須精擇今
天壽山雖有一二吉壤未知某山爲最請先命文武大
臣帶領欽天監官及深曉地理風水之外觀山形內
察地脈務求吉兆以爲萬萬世之壽藏待其畫圖貼說
進呈睿鑒皇上方修謁陵之禮因而親閱有安聖心然
後議建舉行斯爲萬全臣等愚昧之見如此伏乞聖裁
近日皇上謁告諸陵禮畢率欽天監官親擇吉地臣等
復蒙聖諭適觀吉地咸可爲陵朕惟祖宗之所遺此本
諸天錫旣越列聖之地恐朕未可當今日旣定宜勿他

適還京可卽議營造否則必蹈前爲也卿等其力贊之
臣等於行殿又蒙面諭七陵多有損壞當併工修飭欽
此欽遵臣等竊惟自古帝王陵寢多以預修爲諱皇上
乃獨深識遠覽輒議山陵非聖見高明罔能及此臣等
敢不遵奉所有應行事宜合無勅下禮部一一議奉行
等因奉旨是禮部便擇日逐一條具來看欽此欽遵抄
出送司案呈到部臣等竊惟禮君卽位爲棹昔漢文帝
自表灑西唐太宗詔營九巖則是古者皆預造山陵蓋
旣達始終身復親見且省子孫經營不煩費人力此高
世之見也我太祖太宗悉先有事故二陵地理並獲純

桂洲奏議

卷之十九

蜀

吉福澤無疆今皇上因謁天壽山陵親覽十八道嶺可
爲萬年壽宮遂勅臣等以預建之事仰見睿思明達真
出恆情萬萬臣等敢不勉從聖志但事體工程重大必
須諸司盡心區畫委用得人庶足以仰成萬代長久之
計再照修飭七陵一節臣等伏覩長陵等七陵除康陵
營建未遠其諸陵委各間有損脫宜加修飭及臣助等
昨於行宮面奉聖諭長陵神道宜用石砌庶圖堅久其
石像等項宜各護以石臺聖慮所及類皆遠圖宜勅所
司一併舉行所有合行事宜逐一開坐上請伏乞聖裁

嘉靖十五年四月初五日具題初九日奉旨日期且
未定待各議至行工部添官等項都依擬

奉議乞恩賞賚疏

主客清吏司案呈奉本部送禮科抄出工部左侍郎甘爲霖題稱恭遇皇上惇行盛典躬謁列聖之陵於凡經行道路行宮及供應柴炭課蒙命臣調度整理臣卽日趨事仰賴聖孝格天連朝晴霽又得內外羣工各體德意竭力効勞是以屆期報完臣得免於譴戾安敢忘所自耶除內官監太監高忠及一應官匠人等行移該監徑自開請又除本部各項分委指揮等官吳世賢等七十員及書辦吏役舒用中等二十六名供事曹相等七名候命下之日移咨本部各照等第量行犒賞如郎中

桂洲奏議

卷之十九

望

劉應授於修濬水陸道路張問之於搭蓋三處行宮及供應柴炭俱有總理之勞員外郝守正勞傳相潘瑞左傑主事皇甫劉粲各有分理之勞且晝夜併工寢食俱廢甚有勞形而至於成疾者尙書林庭楫差官催督增夫接濟若親歷其地身經其事者厥功亦豈可泯哉以上官員在職分何敢言勞若平時又何敢敘列惟事理倉忙工程緊急今應變之速從事之敏有如此伏望皇上憫念各官量賜賞賚以酬其勞以勵其後則人人感恩將懷圖報矣等因題奉旨禮部看了來說欽此欽遵抄出到部送司案呈到部看得工部左侍郎甘爲霖

題稱恭遇皇上惇行盛典躬謁列聖陵寢郎中劉應授
修濬水陸道路張問之搭蓋三處行宮及供應柴炭俱
有總理之勞員外郎郝守正勞傅相潘瑞左傑主事皇
甫汭劉燦各有分理之勞尚書林庭楫差官催督增夫
接濟功亦難泯乞要皇上憫念各官量加賞賚以酬其
勞以勵其後一節切惟皇上恭謁山陵係舉行累朝曠
典本部查無賞例但據題稱郎中等官劉應授等承委
供事既有微勞合無量加勞賞其尚書林庭楫職在大
臣義當効力况賞典出自朝廷本部不敢議擬均乞聖

裁

桂洲奏議

卷之十九

吳

嘉靖十五年四月初九日具題十一日奉旨林庭楫
甘爲霖各賞銀十兩紵絲一表裏劉應授等各賞新
冊鈔一千貫紵絲一表裏欽此

與本部查無賞例但據題稱郎中等官劉應授等承委
供事既有微勞合無量加勞賞其尚書林庭楫職在大
臣義當効力况賞典出自朝廷本部不敢議擬均乞聖
裁
嘉靖十五年四月初九日具題十一日奉旨林庭楫
甘爲霖各賞銀十兩紵絲一表裏劉應授等各賞新
冊鈔一千貫紵絲一表裏欽此

議處妄議陵寢肆行奏擾疏

祠祭清吏司案呈奉本部送禮科抄出順天府宛平縣儒士潘謙奏稱竊聞自古帝王之治天下莫大於禮禮莫大於孝伏惟皇上嗣登大寶尊封皇考可謂知所本矣大禮旣成世廟旣立皇上之孝固無以加但恐皇考神主雖迎於京都而陵寢猶在於安陸彼此懸隔遠近睽違魂魄旣失於相依形影未免於相弔如此者不惟皇上之心有未安而皇考之靈亦未安也爲今之計豈若迎取靈柩而改葬萬壽山陵之爲愈耶或者之議不曰傷風水則曰壞蔭蔕不曰勞民力則曰傷民財此但桂洲奏議

卷之十九

七

皮膚淺近之謀而不爲久遠根本之慮也夫天生皇上八年之餘而皇考方纔寘天寘天之後方入陵寢扣至龍飛改元之時幾近七年以前論之皇上肇生八年方建陵寢謂之風水蔭蔕固不可也以後論之陵寢方建七年皇上卽登帝位亦未有風水蔭蔕如此之速者也揆厥所原蓋由皇祖積功累仁於前皇考修德行仁於後而始發於皇上德爲聖人尊爲天子厯數在躬天命不偶然也何由安陸陵寢風水蔭蔕之所致哉遷而葬之其無傷壞可知矣自京都而至於安陸遠迎靈柩謂之勞民傷財固有所不免矣此特一時之勞之傷而已

耳苟或因循不舉他日皇太后萬年之後未免合葬安陸理所宜也既葬之後皇上甯忍嚴慈遠隔數千里之外而愀然不加之意乎或感時興慕而行以遣祭之禮或因事追思而繼以進香之行往者過來者續民力勞之而又勞民財傷之而又傷矣較之今日遷葬一勞而永逸者果孰省而孰費耶况遷葬之理名賢碩士自古有載諸簡編者班班可考何今日獨不可行乎且天下之事有出於當止而勢有可已者有出於當行而勢有不可已者皇上改遷皇考之葬此事之當行而勢有不可已者也不可已而已之其如幽明之兩不安何如其

桂洲奏議

卷之十九

異

可已臣雖至愚亦豈不知身微言輕無以取信於人而自召此瀆君之辱也哉惟其可爲故敢激切進言伏望皇上俯采愚誠是究是圖或斷自宸衷舉而行之或勅下廷臣議而行之務俾幽可以安皇考之靈明可以安皇上之心臣聞先民有云藹藹之言聖人擇焉恕臣萬死不勝感激戰慄之至等因又該錦衣衛鎮撫司軍匠金桂奏臣竊聞自古帝王之治天下莫大於禮禮莫大於孝邇者皇上復念祖宗大業之付追祖宗恩澤之重於孝邇者皇上奉聖母皇太后一同謁拜天壽山并恭修謁陵之禮上奉聖母皇太后一同謁拜天壽山并列聖西山陵寢以遠申孝意實累朝之曠典聖帝之大

孝光於四海化及萬方爲聖子神孫宗室世臣之法凡在含靈莫不歡慶今臣昧死進言非爲身謀也恭惟皇考神主雖迎於京都而陵寢猶在於承天府遠近相違精神相隔皇上之心有所未安而皇考之靈亦有所未安矣爲今之計莫若迎取皇考靈柩而改葬在於山陵爲之兩安也遷葬旣近皇上之心日以皇考之靈如其上如在其左右聽無聲於有聲視無形於有形矣皇上設若惜乎國財愛乎民力恐以煩勞而儻爲不舉他日皇太后萬年之後則必合葬安厝榮送於彼而皇上之心益以未安也旣加以四時之追祭復繼以時序之

桂洲奏議

卷之十九

巽

溫顧往者過來者續亦不免費乎財力也較之今日之遷葬一勞而永逸者果孰爲之愈耶且天下之事有出於不得爲而勢可已者有出於當爲而勢不可已者皇上改遷皇考之葬此事之當爲而勢有不可已者不可已而已者其如幽明之兩不安乎惟其當爲故臣情有懇切愚昧具陳實爲冒瀆天威罪當萬死等因俱奉旨禮部參看了來說欽此欽遵通抄送司案呈到部先該本部尙書夏言題該錦衣衛千戶陳昇等建言欲要遷改顯陵等因已經本部會議題覆至再至三始終未敢輒議舉行尙書席書固已備論於前大學士李時又嘗

極論於後先年工部尙書趙瑣嘗有言曰體魄不可輕犯靈秀不可輕泄根本不可輕動如本朝故事太祖不曾遷皇陵太宗不曾遷孝陵皆合文武大臣多官之見蓋以關係國家禍福有動而不可悔之憂況今日未有所擇之地知其最吉爲必可葬又未知顯陵果非吉地爲必當遷而建議之人徒爾紛紛未達事體仍乞重降嚴旨禁絕細人自今無得妄議園陵重傷國體等因奉旨卿所言說的是朕已奉聖母慈訓謂陵寢根本重地不可輕動這各該奏擾人役本都當拏問重治且不究再來奏擾決不輕宥欽此欽遵外今該前因案呈到部

桂洲奏議

卷之十九

辛

看得順天府儒士潘謙錦衣衛軍匠金桂各奏稱皇考神主雖迎於京都而陵寢猶在安陸乞要迎取靈柩改葬萬壽山陵一節臣等參看得潘謙金桂所奏與前此陳昇諸人等所論大略相同仰惟聖明於事理是非人情邪正固已明若觀火尙何俟臣等贅言但自本部具題奉有前項嚴旨之後數年以來無敢復有妄生事端者知聖明之不可欺也近因皇上謁見七陵乃累朝未舉之典而預建山陵又常情所難之事一時無知之人不知聖志所在遂妄生疑謬謂皇上將有奉遷顯陵之舉且流言喧逐不獨細人而已不能仰體皇上至誠御

物高明光大如天如日何嘗有隱且朝廷凡舉大事豈必藉小人以發端哉今潘謙等望風進言以瀆聖聽必有姦人陰爲指使以嘗試朝廷希圖進用彼蓋祇爲身謀不顧國家大體若不重加懲究無以禁治將來參照潘謙金桂本以市井無藉小人妄議國家大事輒敢故違明旨肆行奏擾伏乞勅下錦衣衛拏問重治明正其罪以爲浮言惑眾之戒庶國憲以彰而小人知懼矣

嘉靖十五年四月十三日具題十六日奉旨潘謙等這厮每希圖進用妄議陵寢肆行擾奏好生不畏法度都著錦衣衛拏送法司打著問

桂洲奏議

卷之十九

五

奏議十五平四日奉旨十六日奉旨潘謙等這厮每希圖進用妄議陵寢肆行擾奏好生不畏法度都著錦衣衛拏送法司打著問

奉勅諭法祖預建陵墓百官庶民遵行疏

祠祭清吏司案呈嘉靖十五年四月初九日奉本部送節該欽奉勅諭朕擬將清甯宮存儲君之地卽後半作太皇太后宮一區仁壽宮故址併除釋殿之地作皇太后宮一區以備皇祖一代之制欲法皇祖故事預建陵墓此故大臣已諮但恐眾有未與者可行可止爾百官以及國之耆民可一言之亦不必人各一疏但出意同者共之欽此欽遵齋捧到部除膽黃通行各該衙門并耆民人等遵行外節於禮科抄出駙馬都尉京山侯崔元大小百官等及宛大二縣耆民等宣城伯衛鐔吏部桂洲奏議

卷之十九

五

左侍郎霍韜工部尙書陳道瀛翰林院侍讀學士張璧國子監祭酒呂柟尙寶司少卿李兆蕃錦衣衛署都指揮使王佐順天府尹劉淑相禮科都給事中李充濁山西道監察御史王杏等及各行具奉旨禮部知道欽此欽遵通抄送司案呈到部臣等仰惟皇上撤去釋殿創建兩宮備皇祖未備之制舉故事以預建山陵行皇祖能行之事凡在臣民孰不知仰承休德乃聖度謙沖復降勅下問此先王謀及卿士謀及庶人之意甚盛德也今該府部等衙門京山侯崔元宣城伯衛鐔等侍郎霍韜等及諸司百官并耆民高輔等各具奏前來同然

一詞事在當舉別無疑議除營建兩宮等項興工事宜
卽移咨工部另行議請外所有修飭七陵并預建壽宮
一應合行事宜節該本部具題奉旨日期且未定待各
議至行欽此所據二事祭告惟太宗長陵合請皇上躬
詣行禮其獻陵景陵裕陵茂陵泰陵康陵乞欽命大臣
六員代告其興工吉日合命欽天監另行選擇并駕發
吉期俱候命下本部通行各該衙門嚴辦施行

嘉靖十五年四月十五日具題本日奉旨是旣臣民
合詞所宜從之不必擇日修理陵殿等項著二十一

日卯時預建陵墓本日申時各興工朕於十九日發

桂洲奏議

卷之十九

十一

行親告皇祖太宗遣告六聖獻陵英國公張溶景陵
武定侯郭勛裕陵遂安伯陳鏞茂陵輔臣李時泰陵
禮部尙書夏言康陵駙馬謝詔天壽山之神尙書顧
鼎臣后土司工之神工部尙書林庭楫各行禮總督
等官各寫勅與他兩宮啟工日期著欽天監擇在五
月望後來看釋像器宇便行撤除待別議以存祖宗
之舊欽此

保留官員疏

嘉靖十年五月初六日該吏部題奉欽依將本部主客司郎中陳箎陞湖廣岳州府知府精膳司員外郎楊儀陞四川按察司兵備僉事臣竊見主客司職掌四夷之事所關甚重郎中陳箎老成明練盡心職守如近日查檢四川等處番僧夷人累朝事例極爲精悉臣因得以奏提邊官禁防宿弊所省朝廷將來賞賚歲不下數十萬緡至於館穀周詳禮待優厚又每每得外夷之心能尊中國之體臣謂宜留本官久任庶緩急可使員外郎楊儀諳習禮制長於文學而兵刑之職用非其才况歷

桂洲奏議

卷之十九

蓄

俸尙淺未應補外又經本部劄委江西公幹臣謂將來郎中有缺堪以陞補庶習知本部之事重惟臣以衰病菲拙誤膺聖明委任廟工吏事公務方殷比復有事山陵不免往來督視臣於部事或不能事事親理必資一二老成屬官効力庶幾少塞臣之瘼曠伏望聖明俯念臣愚乞勅該部將郎中陳箎員外郎楊儀仍留本部辦事實於人才政體具有裨益臣不勝幸甚

嘉靖十五年五月初八日奉旨既郎中多事楊儀又係見差都著照舊辦事吏部知道

法祖預作幽宮特命大臣監督工程疏

嘉靖十五年四月二十一日欽奉勅諭朕昨恭謁列聖諸陵仰觀元居享殿等處歲月滋久多致傾圮宜加修飭及朕法皇祖故事預作幽宮於太宗文皇帝之左側已嘗下勅諮問既而臣民合詞以爲當建所宜從之及建造行宮俱擇以四月二十二日興工惟茲事體尊崇工程重大尤非他務可比仍特命卿郭勛夏言李時張瓚等宜竭誠殫慮督理是勤務俾工作美完建造如式以爲永逾之圖斯副朕意欽此嘉靖十五年三月內該內閣大學士臣李時禮部尙書臣夏言及臣勛節於行

桂洲奏議

卷之十九

奏

宮面奉聖諭七陵多有損壞併工修飭長陵神道宜用石砌庶圖堅久其石像等項宜各護以石臺欽此本年四月初五日該禮部議得長陵等七陵除康陵營建未遠其諸陵委各間有損脫宜加修飭乞勅所司一併舉行等因題奉旨都依擬欽此欽遵本年四月二十二日又該尙書夏言欽奉聖諭督工大臣同工部內官監恭詣七陵相計三日欽此除欽遵外本月二十八日又恭侍皇上親詣長陵獻陵景陵重閱看得景陵規制獨小又多損壞其於我宣宗皇帝功德之大殊爲未稱議當重建享殿增崇基構追報其三陵合當修飭增新各項

事宜俱面奉聖諭隨令匠氏一一紀錄茲將臣等會同總管工程內官監太監高忠及在工諸臣率領官匠人等恭詣七陵逐一相看得各陵享殿明樓門廡垣牆等項間有損壞處所俱合修理見新并已經欽奉面諭一應緣由除預作壽宮規制該總擬官禮部尙書夏言奉有欽畫圖式再行議擬上請及建造行宮該監奉有御覽過圖樣各頒降該監遵行臣等竊照修飭七陵預作壽宮并建造行宮各項事體尊隆工程重大所據各營見在做工官軍及該部各色人匠及該監官匠俱稱數少并工部在庫銀兩在官物料俱稱供用不敷合無乞

桂洲奏議

卷之十九

五

勅各該衙門將做工官軍作何調撥所缺匠役作何收募銀兩物料作何措處催辦工部仍會同該監通查在官木植甃瓦及在工官匠實數并計料各工支費大約數目俱要從長預處備悉查議具奏上請聖裁臣等謹將會看過修建七陵事宜逐一開坐上呈伏乞勅下工部通行內外衙門欽遵施行

嘉靖十五年五月初八日具題初十日奉旨是官軍匠作銀兩物料係當所急處者所司即便議奏其餘各依擬工部知道

奉勅預建壽宮規制復乞俯從輿議疏

禮科抄出同知建造事總擬規制少保兼太子太保禮部尚書翰林院學士夏言題嘉靖十五年四月二十一日節該欽奉勅諭朕法皇祖故事預作幽宮於太宗文皇帝之左側已嘗下勅諮問既而臣民合詞以爲當建所宜從之欽此欽遵隨該太傅臣郭勛大學士臣李時臣言扈從聖駕至天壽山告祖舉事節蒙召見行宮備承天語議及壽宮規制惓惓以遜避祖陵節省財力爲念至於享殿復欲以甗石爲之用示儉樸其地中宮殿器物等項舊制做九重法宮爲之所費工力甚鉅聖諭桂洲奏議

卷之十九

七

以爲此皆虛文徒增勞費且空洞不實終非永固之圖欲一切釐去不用臣等仰見皇上聖謨高遠睿見宏達出於常情萬萬臣等節次具對皆以此固皇上聖德謙冲重自損抑然於千萬世聖子神孫與夫臣等今日不敢以天下儉之之心誠有所不盡者伏蒙皇上俯從臣子尊報之情無失帝王崇高之制矧我皇上功德之盛比隆祖宗光於列聖天下後世思報無窮其寶城明樓享殿門廡一切之制所宜比照長陵少存尊避以垂萬年之觀昨於前月二十八日聖駕回鑾駐蹕沙河伏蒙以欽畫壽宮圖式面以授臣臣詳觀殿廡之制比諸長

陵滅殺太多臣謹督令匠氏逐一參酌議擬畫圖貼說
隨本進呈御覽伏乞聖慈曲徇輿情特賜欽定發下該
監照依圖式建造施行其東山口小山俗呼爲天壽山
者比蒙欽定平臺山名以正其謬節蒙聖諭宜建天壽
亭予以識皇祖聖蹟此實大孝之舉臣謹併具亭圖進
呈伏乞賜覽發下所司一併趁工蓋造嘉靖十五年五
月初十日具題十一日奉旨卿還與知建造等併禮工
二部會同翰林院及諸講讀官并禮科通將皇如從葬
之式總擬實圖來看欽此欽遵抄出到部臣等於五月
十五日會同知建造武定侯郭勛大學士李時等并工
桂洲奏議

部及翰林院講讀官禮科等官恭詣東閣集議該武定
侯臣勛等議得茲者預建壽宮我皇上稽古法祖親爲
卜兆旣倦倦以避尊節財爲念臣等伏覩欽降圖式其
在外享殿一切規制務從儉樸地中宮殿等制以虛文
勞費且空洞不實非永固之圖欲盡釐去臣等仰見聖
德謙光聖慮久遠敢不將順但恐過於減損無以稱臣
子尊崇之禮凡享殿明數寶城欲請量照長陵建造其
地中宮殿等項仍諳稍存其制實皆臣子無已之誠伏
望聖慈俯從輿議其列聖諸如從葬之制具載會典如
太宗諸如俱陪葬長陵仁宗諸如俱陪葬獻陵惟三如

別葬金山宣宗諸妃俱陪葬景陵惟一妃別葬金山則是帝后合葬諸妃陪葬乃古今經常之制協幽明依附之理况又該大學士李時於閣下請出英廟實錄查得英宗皇帝遺詔內載皇妃他日宜合葬惠妃亦須遷來以後諸妃次第耐葬聖訓具在但今會典止載睿皇后錢氏合葬裕陵諸妃一葬綿山餘葬金山乃竟無陪葬者茂陵亦無陪葬莫考其故但臣等竊以諸妃陪葬義不當由隧今臣等會擬似宜於外垣之內寶山城之外明樓之前左右相向以次耐焉庶合禮制但山陵重事非臣下所敢定議謹畫圖貼說隨本進呈伏乞聖明裁

桂洲奏議

卷之十九

奏

可施行實爲萬世不刊之典矣

嘉靖十五年五月十七日會官具題二十五日奉旨卿等既這等說擬式都依行未盡的待朕親往定示圖留看欽此

請定夷使朝貢疏

主客清吏司案呈奉本部送禮科抄出遼東都指揮使司掌印署都指揮僉事陸繼宗等奏起送海西并建州右等衛女直都督僉事察哈答等十一一起共九百二十四員名各備馬匹赴京朝貢除馬匹存留在邊給軍騎操外例應給賞查得女直夷人賞例都督每員綵緞四表裏折鈔絹二疋織金紵絲衣一套都指揮每員綵緞二表裏絹四疋折鈔絹一疋織金紵絲衣一套指揮每員綵緞一表裏絹四疋折鈔絹一疋素紵絲衣一套二件以上俱與靴鞵各一雙千百戶所鎮撫頭目舍人每

桂洲奏議

卷之十九

卒

員名折衣綵緞一表裏絹四疋折絹一疋自進過馬匹每匹回賜綵緞二表裏折鈔絹一疋又查得本部先今議處題准女直夷人馬價二表裏內將綵緞二疋折給銀兩又該會同館呈有海西撒兒衛舍人一名把吟塔中途病故查有病故夷人賞例在館未賞及中途病故者止與馬價正賞緞絹扣除又查得天順八年十月內本部會議題准事例建州衛并建州左右及毛憐四衛切隣遼東邊境夷民頗眾合無每年每衛不許過一百名來朝建州寄住毛憐達子每年另容十二名海西兀者等衛每衛不許過三五名來朝其都督來朝許帶有

方物夷人十五名並聽陸續赴京亦不許重複冒名入關仍行總兵等官照依舊例每年自十月初一日起至十二月終止務要審驗印信文書的實方許放入其餘阻回若有徇私受賄將應放者不放棄者放入及將女直報作野人名色者聽巡撫巡按官訪察具奏拏問又查得成化十年二月內又該本部題查有天順八年以後成化六年以前建州等衛女直人等來貢人數每年不過一千名至成化七年以後加至一千二百四十八名比之先年議定之數過多合無再行請勅鎮守遼東總兵等官自成化十年十月初一日起遇有前項

桂洲奏議

卷之十九

空

夷人進貢到邊悉依先年會官議定奏准衛分人數驗放其不係衛分者不許放入庶得人數減少不致擾費奉憲宗皇帝旨只照舊定數目驗放不許過多欽此嘉靖四年三月內女直夷人進貢共一千三百六十一員名該本部題查得前項夷人朝貢既節該會議題准朝有常期人有定數近來入關漸不如期來朝人每過額恐夷人沿爲則例其於事體所關非輕該管都指揮同知薛澄等明知定制起送過多事屬故違法當嚴究合無轉行彼處鎮巡總兵等官務要遵照節年事例如遇前項夷人朝貢到關照原定額數驗放入關其違期過

額夷數卽并貢物撫諭遣還其有欲奏改換勅書者亦有進貢與奏討陞襲等項一體仍舊准其邊各衛朝貢正數之內如是仍前奉法不嚴以致額外朝貢數多遲早不時該邊官員聽本部參奏處治過額夷數亦量殺其賞賜等因節奉旨是各夷入貢俱有定期常額便行與鎮巡總兵等官今後有違期過額的不許驗放入貢薛澄等還罰俸兩箇月欽此欽遵查得女直進貢夷人除先次一十起共五百五十五名已經題奉欽依給賞外今次在館一十一起共九百二十四名通查合額外內寄住毛憐衛起送二十九名老里河衛阿真河衛各桂洲奏議

習以爲常將來成規漸廢邊防日疎合無本部移咨都察院轉行遼東撫按衙門今後女直夷人朝貢務要遵照先年會議題准事例建州衛并建州左右毛憐達子每年夷人朝貢不許過一百名建州寄住毛憐達子每年另容十二名海西兀者等衛每衛不許過三五名其都督許帶有方物夷人十五名並聽陸續赴京亦不許重復冒名入關仍行總兵等官照依舊例每年自十月初一日起至十二月終止務要審驗印信文書的實方許放入所進方物辯驗堪中封記前來馬匹照例就彼給操其餘阻回夷人亦善加撫諭回還生理若有徇私

桂洲奏議

卷之十九

奎

受賄應放者不放不當放者放入及將女直報作野人名色者聽巡撫巡按官訪察具奏拏問其該邊官員署都指揮僉事陸繼宗等今次不行遵例起送事屬有違合無量加罰治以警將來再照今次進貢舍人共四百三名俱無勅書難以辯驗中間恐有頂替希冒賞賜情弊亦要審實方准驗放如再故違該邊官聽本部從重參奏處治過額夷人減賞庶幾成規不壞國用少紓而夷類亦知警矣 嘉靖十五年五月十八日具題本月二十日奉旨是陸繼宗違例起送罰俸兩箇月以後再有故違的你部裏從重參奏欽此

請燬佛骨以除邪妄疏

祠祭清吏司案呈奉本部送禮科抄出少保兼太子太保禮部尚書翰林院學士夏言題比者恭遇皇上勅諭羣臣欲除去禁中釋殿奉建兩宮以備一代之制一時廷議翕然仰贊皇上篤隆養盡制之孝敦闢邪崇正之化盛德大業光前振後矣今月十一日伏奉旨命太傅臣郭勛大學士臣李時同臣言入看卽所謂大善殿者臣等看得殿內有金銀鑄像鉅細不下千百且多夷鬼淫褻之狀仰惟聖明燭其誕妄不經一旦奮然舉而除之甚盛舉也但臣昨見諸几案之上及懸度梁拱之間

桂洲奏議

卷之十九

畜

與夫金函玉匣之所藏貯者爲物尙多不可識辯問之守者具云是爲佛頭是爲佛骨是爲佛牙枯朽摧裂奇離魄礪計不下千百筋臣惟佛法之入中國自漢明帝時始然不過人誦其書習其教而已至唐憲宗朝乃迎佛骨至京師其臣韓愈上表極言其邪穢不祥不宜以入宮禁憲宗不能聽且深罪愈竟遠斥之臣意自時厥後人莫敢矯其非凡番夷持以誑惑中國之人而名爲佛顛佛骨者必相屬於道由是流入天子宮禁之內必歷世皆然而不以爲異今殿中所有未必非勝國所遺累朝以來亦必以爲彼法則然未嘗深究以迄於今茲

者恭惟皇上躬堯舜禹湯文武之資行堯舜禹湯文武之道乃始議撤佛屋毀除穢像使詭異之形不得瀆留清禁此真卓越千古之見出於尋常萬萬者也然殿宇像設既除所有前項佛頭佛牙之類皆屬朽穢不宜使之尚存臣請乞以此物勅下所司瘞之草野一切掃而淨之以永杜愚冥疑惑之端實爲大聖人非常作爲有補名教甚大功德罔極臣不勝幸甚後世幸甚等因奉旨卿說的是朕思此物聽之者智曰邪穢而必不欲觀愚曰奇異必欲奉之雖埋之將來必有竊窆以復惑民可別議除禮部知道欽此欽遵抄出送司案呈到部臣

桂洲奏議

卷之十九

奎

等伏讀勅旨仰歎天生聖人力除物怪以正人心甚盛德也臣等忝司邦教敢不仰贊聖謨竊惟前大善殿所貯佛骨實爲訛妄不經昨該臣言因先奉勅撤去釋殿乃奏請一併瘞除以仰承聖志伏惟聖慮高遠恐埋之將來竊窆以惑民乃命臣等別議除之將以永絕根本斷天下之疑杜後世之惑臣等仰見皇上去邪衛道之功於是爲大臣等竊惟佛法荒幻本無足信卽以其教言凡佛死曰涅槃必焚其骸名曰闍毘由是觀之則佛死必焚不得復有遺骨况佛固人耳其牙骨必與人同豈得鉅細不類意必山海異物而夷僧持以誑惑中國

信奉之人無疑也臣等伏請皇上勅令所司將此佛牙
佛骨一竊付之於火以滅其跡其金銀銅像亦乞并令
燬銷實爲千古稱快而萬代瞻仰者也臣等愚見議擬
如此伏候聖明裁斷施行

嘉靖十五年五月二十日具題廿三日奉旨是便都
著燬銷

桂洲奏議

卷之十九

奏

善懲儆

嘉靖十五年正月二十日具題廿三日奉旨是便

欽此

欽此

欽此

欽此

欽奉勅諭改設講武堂疏

嘉靖十五年四月初四日該本部尙書夏言欽奉面諭大興隆寺前諭輔臣宜改做講武堂雖是兵事然係典禮卿部裏可具奏來欽此欽遵臣等竊惟國家大事在祀與戎陛下臨御以來修明古禮追復郊廟一切祀典悉從釐正近復恭謁諸陵舉行曠典遠近臣民不勝歡戴邇者欲因大興隆寺廢址改爲講武之處特命臣等議擬仰見聖上制禮作樂之餘不忘武備真古帝王安不忘危治不忘亂之意也臣等謹按周禮大司馬每遇仲月因時教武唯冬農隙則大閱之在漢有會都平樂觀之講唐有都外驪山之講宋有近郊西郊之講歷代之典雖各不同然做古周制思患預防蓋未始有二也我太祖高皇帝經理淮甸親閱試將士太宗文皇帝靖難之餘亦時加簡練是以國初名將疊出類皆文武兼資韜略素習是以威振沙漠策勳闕廷漢唐宋以來所未有也及合百七十餘年承平日久武備漸弛將驕卒惰幾不知兵宜有足厘聖慮者講武事誠不可緩先該兵部亦爲前事題奉欽依依擬行未盡事你部裏還同禮工二部逐一議處來說欽此其建設規畫與本部所擬大略相同但欲文職重臣督率於上增制屬官分隸

桂洲奏議

卷之十九

七

於下又同武職重臣分董其事而所講者不過幼官武生之輩尤同武學故事視先王振旅大閱之意稍有不侔臣等謹開前件議擬上請伏乞聖裁勅下兵部一併遵照前旨會二部議奏舉行

嘉靖十五年五月二十三日具題本月廿五日奉旨依擬行還會同兵工二部議擬畫圖貼說來看欽此計開

一營造殿堂臣等看得大興隆寺廢址在皇城西正合講武之地合無前爲大門二門中建講武殿前丹墀宜極深廣左右相向爲堂各二堂後

桂洲奏議

卷之十九

案

爲齋舍爲書籍庫右以隙地爲射圃爲兵器庫殿後爲武殿廟一區有門廡厨庫乞勅工部會本部逐一相度停當畫圖貼說具奏定奪其殿堂門庫齋舍俱當有名額俟興工之後次第上請欽製

一專教將領臣等聞之易曰師貞丈人吉無咎蓋言師雖以正而帥之者必丈人乃吉而無咎也丈人非素居崇高之謂必其老成持重諳練韜略才猷德業素爲眾所畏服一旦有警出諸閫外必能自適機宜以收功萬全然則今日講武

不須泛爲其要只在於將帥得人而已合無兵部奏命才望素著諳曉兵情文職大臣一員專一提督講武除指揮千百戶幼官及應襲弟姪一見在武學教養者該部仍照舊規嚴加比較外其各府掌印僉書帶俸公侯伯及各營坐營把總號頭各衛見任指揮千百戶該部會同提督團營文武大臣選簡二三百員遇每月初三十三二十三俱赴某堂分番講解武經七書百將傳武侯心書及凡經史諸類有裨於武事者初八十八二十八俱赴某堂演習武藝若公侯伯年二十五以下者仍在國子監讀書習禮其餘不拘已未襲爵通行赴講每歲仲冬該部具題恭請車駕幸講武殿行大閱禮考校將帥而賞罰陞黜之其間果有出眾之材當不拘官資下次拔用庶介冑之臣人皆奮志將來可得嚴翼之才而無復紈綺之習矣

一尊崇廟享臣等考得昔姜太公呂尙以眾正之師輔周武王大興王業後之言兵者宗之唐太宗時始立廟礮溪至高宗始尊爲武成王元宗開元間始置太公尙父廟以留侯張良配春秋

桂洲奏議

卷之十九

堯

致祭仍以古名將十人爲十哲德宗時又治武成廟列古今名將凡六十四人至貞元二年議者以爲未安宜去亞聖十哲之名自是惟享武成王及留侯而諸將不復祭矣竊惟今日講武仍當依倣唐制立武成王廟一區從祀兩廡名將不必多及止如古之孫武司馬穰苴尉繚子黃石公之著述有聞如張良諸葛亮韓世忠岳飛之忠義激烈如韓信李廣關羽張飛李靖李勣之智勇兼人如趙充國鄧禹郭子儀曹斌之老成持重以及我朝之徐達常遇春張玉湯和諸將附焉每歲春秋遣官致祭庶典制不缺而武教有所興起其從事名位次數候廟建完日本部另行具奏會官議擬上請定奪

一時加懲勸臣等看得每歲除仲冬請車駕幸講武殿大閱外其仲春仲夏仲秋三望該部先期請旨會同都察院都御史兵科都給事中團營并提督總兵官嚴加校閱備將弓矢高下數目并拍講兵書通否開具等第奏行該部紀錄如果弓矢熟閒通曉兵略者遇有將領員缺卽爲推補考居劣等不得陞用如歷試通無進益者

奏請揀黜庶無志者知警而有志者亦知所自
勸矣

桂洲奏議卷第十九

桂洲奏議

卷之十九

三



桂洲奏議卷第十九

勸矣

奏請揀黜庶無志者知警而有志者亦知所自

09862

